

– Թեև մեր վսեմաշուք փաշան կը տայ ձեր հարկաւորոած թղթերը, եւ դուք, պարոն բժշկապետ, ամէն տեղ կը գտնէք մեծ պատրաստականութիւն ձեր ճանապարհորդութիւնը անվտանգ կացուցանելու համար, բայց այստամենայնիւ, ես խորհուրդ կը տայի ձեզ քարաւանի հետ գնալ:

– Ես այդպիսի նպատակ էլ ունեմ, – պատասխանեց Ասլանը, – ինձ ասացին, որ եզուց երեկոյեան մի քարաւան է դուրս գալու:

– Այդ ո՞ւմ քարաւանն է, – հարցրեց փաշան:

– Չգիտեմ, – պատասխանեց Ասլանը:

– Թոխմախ-Արթինի քարաւանն է, – մեջ մտաւ ոստիկանապետը:

– Յա, Թոխմախ-Արթինը շատ քաջ մարդ է, նրա քարաւանը ամենապահովն է ճանապարհորդութեան համար: Բայց չգիտեմ, պարոն բժշկապետ, դուք չէի՞ք ձանձրանայ քարաւանի հետ գնալով, որովհետեւ քարաւանը սաստիկ դանդաղ է գնում, – հարցրեց փաշան:

– Այդ իրաւ է – պատասխանեց Ասլանը, – բայց որքան էլ ցանկանայի, չէի կարող շտապով անցնել, որովհետեւ ինձ հետ տանում եմ բաւական ծանրութիւններ, որոնք մի քանի բեռներ կը լինեն, իմ շարժական դեղարանը, իմ գործիքները եւ այն բոլոր հնութիւնները, որ հաւաքել եմ: Բացի դրանցից, ինձ հարկաւոր է մի քանի նշանաւոր տեղեր հետազօտել. քարաւանի դանդաղ ընթացքը կը նպաստեր ինձ՝ ցանկացած ժամանակ շեղել ճանապարհից՝ այդ տեղերը տեսնելու համար:

– Միայն, երբ քարաւանից բաժանելու լինէք, անպատճառ հարկաւոր է, որ ձեզ հետ ձիաւորներ վերառնէք, – խորհուրդ տոեց առաջորդը:

– Այդ ես գիտեմ, սրբազան հայր, ես բաւական փորձոած եմ ասիական ճանապարհորդութիւնների մեջ: Թեև այս կողմերում չեմ եղել, բայց Միջին Ասիայում շատ եմ թափառել:

Վերջապէս ընթրիքը տոեցին: Գորգերի վրայ տարածոեցաւ սեղանի գունաւոր սփռոցը, եւ կերակուրները, որքան պատրաստոած էին, պղնձեայ բոլորակ սինիների վրայ դասաւորած, միանգամից ներս բերոեցան: Նրանք բազմատեսակ էին: Բազմատեսակ էին եւ քաղցր շերբեթները, զանազան համեմներով եւ զանազան գոյներով: Ոգելից ըմպելիքները, գինի, արաղ, դրոեցան միայն առաջնորդի, Ասլանի եւ երեք հայ երեւելիների մօտ: Միւսները շերբեթ էին խմում: Չիւնեական գեղեցիկ ամանները մի առանձին ախորժակ էին բաց անում: Նախկին վիճաբանութիւնները դադարեցան, որովհետեւ այստեղ, ինչպէս առհասարակ արեւելքում, սեղանի վրայ շատ չեն խօսում: Տիրում էր կատարեալ լռութիւն, որովհետեւ դանակ եւ պատառաքաղ